

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT KHALIFATULLAH

Munir Ahmad Azim

16 Janvier 2015 ~
(24 Rabi'ul Awwal 1436 Hijri)

(Résumé Khutba)

Après ki li fine saluer tous so bane disciples (et tous bane musulmans) entier le monde par la salutation de paix en Islam, Hazrat Khalifatullah (atba) fine commence so Khutba Jummah comme d'habitude avec Tashahhud, Ta'uz, Surah Al Fatiha, et ensuite li fine dire :

Avant ki mo vine directement lors mo Khutba Jummah lors bane devoirs et obligations ki bane parents ena envers zot bane zenfants, mo ti envie dire quelques mots lors l'attaque de « Charlie Hebdo ».

BANE CARICATURES LORS LE SAINT PROPHÈTE MUHAMMAD (SAW) ET RÉPERCUSSIONS LORS BANE COUPABLES:

Couma zot tous conné maintenant, Mercredi 7 Janvier 2015, détrois dimounes fine tire à coup de feu lors bane staffs de « Charlie Hebdo » (entre autres) dans la France (12 victimes en tout), dans ene de bane marre de sang ki pli abominable lors le sol de la France, couma bane chaine télévisé et bane les autres médias pas pé hésité pou qualifié sa attentat là. Et comme d'habitude c'est l'Islam ki zot pé blamé pour bane telle atrocité et non pas bane dimounes derrière sa.

Et couma zot tout conné, des années de cela, vers 2006 et 2011, avec bane premiers cartoons ki fine publié lors le Saint Prophète Muhammad (saw), mo ti fer ene prophécie, ene avertissement bien claire ki bane ki jouer avec la pureté du Saint Prophète de l'Islam, alors Allah (twf) même pou prend la situation en main et pou puni zot. En vérité, la liberté d'expression c'est ene chose, et calomnié le cœur d'ene religion lors baze d'ene soi-disant liberté d'expression c'est ene l'autre z'affaire. En vérité, le Messenger d'Allah pas capave tolère même ene sel calomnie lors le Saint Prophète de l'Islam (saw) et mo pou contigné défanne so l'honneur ziska mo dernier souffle.

L'Islam c'est ene religion de paix. En vérité, très paisible. Mais kan l'honneur d'Allah, l'Unique et Suprême Dieu et celui de So Saint Prophète Muhammad (saw) souyé par bane soi-disant dimounes ki embrasse la démocratie et respect pour tous bane religions, alors laisse mo dire zot ki li bien déplorable de zot part ki zot fine blesse sentiments de bane Musulmans entier le monde

avec zot bane campagnes de haine contre l'islam et le Saint Prophète Muhammad (saw). Et en vérité Hazrat Muhammad (saw) jamais pou capave dire : « Je suis Charlie », parski Charlie fine dévasté l'image pure de l'islam pou ki zot répanne malpropreté et la haine lors ene religion ki pé répanne la paix dans le monde. Pli nous pé propage la paix, pli pé donne nous l'étiquette de terroristes et ki nous la religion pure li vine de Shaytane (*Nawzobillah*).

En temps normal, bane telle atrocité pas toléré, mais ici mo trouve là-dans l'accomplissement d'ene prophécie – kan nous lé cœur fine saigné pour l'honneur du Saint Prophète Muhammad et l'islam – kan bane dimounes stupides de la France, de Danmark et ailleurs dans le monde fine fer ene campagne très vif pou expose l'islam et le Saint Prophète Muhammad (saw) couma bane leaders ki encourage la violence et terreur (terrorisme) dans le monde. Mo trouve là-dans la colère d'Allah, et pou distingue bane menaces de bane les autres de celui du Messenger d'Allah, Allah fine donne ene signe kot c'est lors mo date et mois de naissance ki sa fine passé, comme ene signe clair de l'accomplissement de sa prophécie et de la véracité de celui ki pé proclame li comme So Messenger dans sa le monde là. En vérité, Allah pas pou déssane personnellement lors la terre pou fer la justice. Saki mo condamné dans tout sa atrocité là c'est la vie de bane innocents ki pas ena aucaine liens avec bane vrais coupables ki fine déssine bane cartoons lors le Saint Prophète Muhammad (saw). En vérité l'islam et bane musulmans pas ena aucaine la haine ou animosité envers bane Chrétiens et bane les autres la foi en générale, mais nous toujours prêt pou protégé l'honneur de nous prophète (saw) et nous religion (l'islam), même au péril de nous la vie et l'honneur et nous fer sa la guerre là avec bane vrais coupables, non pas bane dimounes innocents ki ena bane bons pensées et l'égard et respect pour nous religion.

Le Messie Promis, Hazrat Mirza Ghulam Ahmad (as) aussi pas ti tolère bane telles kitchoses. Couma sa humble serviteur ki présent devant zot aujourd'hui, li aussi n'importe kan ti question de l'honneur du Saint Prophète (saw), li ti habitué vine ene de bane lions ki pli féroce pou déchire bane ki déshonore nous bien-aimé prophète Hazrat Muhammad (saw). Ene fois li fine écrire dans so livre « *Najmul-Houda* » (l'Étoile Polaire) : « **...Mo fine être ordonné pou entreprendre sa réfutation et sa renversement là par bane moyens doux et paisibles, et pou pas réplique le mal par le mal à moins, ki zot (c'est-à-dire, bane Chrétiens et autres) désavoué le Saint Prophète, ki zot insulté li (saw) et ki zot dépasse tous bane bornes de la décence. Alors, c'est pas mo travail pou zoure bane Chrétiens en générale, ni pou ridiculize zot, ni pou difame zot. Kan mo servi bane tels expressions, mo pé seulement vize bane dimounes ki directement ou indirectement pé insulté le Saint Prophète (saw)...** »

En vérité, li très claire ki sa *Jihaad* (Guerre Sainte) li pas avec kit fizi ou kit z'arme mondaine. Nous z'arme c'est duah avec Allah le Tout Puissant ki dans So connaissance et sagesse sans limite conné couma pou fer bane coupables payé pour zot la haine et calomnie. Nous, nous faible, mais Allah pas faible. Li conné ki l'heure, et ki place Li pou mette So plan en exécution, pou fer le monde trouver kot la vérité été, spécialement dans l'époque d'ene Manifestation Divine, en présence d'ene Messenger d'Allah, ene Khalifatullah. *Allahou Aalam* ; et Allah conne mieux. Bientôt très bientôt, sak dimoune pou gagne so coup dans l'heure ki Allah fine décréter pour li.

Ene ti conseille : Zamais ridiculize la religion pure d'Allah, ou So bane prophètes, parski Allah pou fer ou payer pou ou infidélité boute par boute ziska pas reste narien de ou. Rappelle bien, sa le monde là li temporaire tandis ki la vie après la mort li éternelle. Vaut mieux souffère dans sa le monde là ki dans l'autre. Zamais alle contre Allah et So bane prophètes, spécialement pas la meilleure création d'Allah, l'homme et le prophète le plus parfait, So bien-aimé Hazrat Muhammad (saw).

Ki été la liberté d'expression si sa fer ou tourne en ridicule la religion de ou camarade, bane humains couma ou ? Si dimoune mette complètement en exécution la liberté d'expression, alors *Nawzobillah*, ki pou arriver si la majorité de bane dimounes en France et de bane pays Européens ou bane les autres pays du monde commence marche tout nu sans aucaine moralité ? Couma bane dimounes dans sa bane même pays là pou réagir, bane ki ena bane ti zenfants ki zot bizin grandi et donne bane bons valeurs, bane même zenfants ki pou vine bane adultes de demain ? Couma bane Chrétiens et bane les autres la foi pou réagir avec sa liberté d'expressions là ? Eski sa pas pou révoltant ? Mais à vrai dire, eski sa pas pou ene forme de « liberté d'expressions » ki zot pé fer avec zot lécorps ? Eski kikaine pou capave arrête zot ? Et si arrête zot, kifer, kan zot dire ki sa c'est zot liberté d'expressions sa ?

Alors, saki mo envie ki zot et le monde comprend ki ena ene LIMITE ki faudé zamais dépasser, même dans l'expression « liberté d'expressions ». Parski, si sa limite là pas respecter, alors Allah pou servi comme z'arme sa même liberté d'expressions là pou servi contre zot et zot bane l'esprit et l'expressions pourri. Pareille couma dans l'Islam ena bane extrémistes ki pé présente ene mauvais l'image de l'Islam, pareillement ena bane même kalité dimounes dans tous bane religions ki pé essaye fer le contraire de saki zot religions dire zot pou fer, et sa inclure Charlie Hebdo aussi et tout bane ki suive so pas. Par exemple, kan bane asso et tuerie fine fer dans Charlie Hebdo, alors bane médias fine réfute sa acte là avec plisse cartoons lors le Saint Prophète Muhammad (saw). Dans sa façon là, zot pé invite plisse bane marre de sang dans zot la caze ; zot pé jouer avec difé kan zot conné très bien ki sa c'est ene situation ki bien dangereux et ki zamais pou fini kan zot pé blesse et moque la foi de bane les autres. Et sa capave arriver dans n'importe ki religion, kot zot propre dimounes assassine zot, pas bane étrangers ou bane les autres, mais ici dans nous l'époque, spécialement dépi 11 Septembre 2001, l'Islam li toujours être blâmé dans zot lizié, malgré l'innocence du Saint Prophète Muhammad (saw), de bane musulmans et de l'Islam, la religion parfaite.

Ki Allah toujours préserve l'honneur de So religion (l'Islam) et de So Saint Prophète Muhammad (saw). *Ameen*.

CYCLONE BANSI :

Prend depuis 11 Janvier 2015, la Météo fine mette nom *Bansi* lors ene Cyclone Tropicale intense ki ti pé menace Maurice. Alors la rentrée scolaire ki ti prévue pour lundi le 12 Janvier fine reporter à 15 Janvier 2015 kan fine tire classe 2 ti ki ena pendant tous sa jours là, et sa cyclone là ensuite fine alle crazé dans Rodrigues (Rodrigues pour le moment fine arrive Cyclone Classe 4).

Azordi mo Khutba Jummah lors :

DEVOIRS ET OBLIGATIONS PARENTS ENVERS ZOT ENFANTS.

Actuellement bane parents pé enseigne zot zenfants coté matériel boucou. Zot faire tout préparation nécessaire dans sa domaine là depuis zot tendre enfance même. Ici à Maurice ou trouver ki lère zenfant là gagne 3 ans zot admette li dans ene l'école maternelle (préscolaire) ; à l'âge de 5 ans li fréquente l'école primaire, puis secondaire et puis finalement l'université ou sois envoie li à l'étranger. Zot faire boucou dette, pou ki zenfant là prend ene certaine degré ou diplôme. Parents investi boucou l'argent lors li, et même ena hypothèque la case, la terre, pou faire zenfant vine avec ene diplôme docteur, ingénieur ou avocat etc., avec boucou de fierté.

C'est très bien, mo pas dire ki li pas bon ; mais seulement ou fine guette ene seul coté. Coté mondaine fine attire ou plisse et pou gagne grandeur ki ou parent de tel docteur, avocat etc., dans la société, quand même tous sa dette ki ou fine faire pou faire li arriver, après ki li décroche so diplôme, li néglige ou, li pas prend ou conte. Ou sois kan li gagne ene diplôme docteur, ingénieur, avocat etc. mais selman li zéro de coté *Deen* et sa pas dire ou narien. Alors sa li grave pou ene parent coumsa.

Ou comme parent, eski ou péna ene tiguette regret dans ou lé cœur quand ou trouve sa qualité zenfant ki docteur, avocat etc. li pas faire Namaz, pas lire Quran, pas attacher avec *Deen-é-Islam*, kot zis nom musulman, mais pratique l'Islam zéro. Ki sanlà responsable de sa ? Sa faire ou penser combien dépi so l'enfance ou fine donne li l'entraînement de coté *Deen-é-Islam*. Si arriver ou fine donne li ene ti l'entraînement de coté *Deen*, pas penser ki seulement faire ene ti peu Namaz, kante même pas dans l'heure ki bizin, ou sois lire un peu Quran kan gagne le temps, ki ou zenfant fine conne tous bane enseignements islamique.

Quand nous faire nous zenfant vine ene docteur spécialiste, li capave comprend maladie et donne traitement. Mais eski nous fine faire li vine ene bon musulman pou ki li capave comprend maladie spirituelle et donne li le traitement nécessaire ? Nous fine faire nous zenfant vine ene bon avocat ki conne la loi législative, li conne bane offense et défense et zot code pénal, mais eski nous fine faire li vine ene bon '*Faqîh*' (juriste islamique) ki conne bane offense et sentence d'après la loi Islamique ?

Par la grâce d'Allah si nous ti ena sa bane qualité avocat honnête ki ene bon '*Faqîh*' (juriste Islamique) dans ene Jamaat et surtout si zot forme partie dans comite central d'ene Jamaat, li ti pou levé couma li lever dans la cour mondaine pou la guerre contre l'injustice, ou contre fraude, corruption ki quelqu'un fine faire et ici aussi dans la religion d'Allah, li ti pou leve sans peur créature, li ti pou la guerre d'après la loi Islamique contre bane fraudeurs, ki mette la main dans la caisse Jamaat pou vine millionnaire ou sois zanne millionnaire et aussi li ti pou la guerre contre bane ki pé faire *zouloum* (dominère) et pé mette boycotte contre la lois Islamique, li ti pou agir honnêtement d'après la loi Islamique.

Ainsi si ene parent faire so zenfant vine spécialiste 'matériel' (*duniya*) et laisse zenfant là ignorant de coté l'enseignement religieuse (*deenyat*), alors sa veut dire ki sa parent pas fine accompli devoir ene parent musulman et péna doute ki devant Allah, le *Rabboul Aalameen* (Maître de l'Univers), li pou bizin réponde pou so négligence.

Quand Allah (swt) donne So bénédiction lors humains, Li tester zot, Li guetté aussi si sa bane *Banda* (serviteurs) ki Li fine crée là et ki fine recevoir So bane bénédiction (*Rahmat*), eski zot faire zot devoir convenablement ? Allah (swt) faire ene teste lors celui ki Li fine comblé avec l'argent ou richesse pou conné si li pé servi l'argent là dans ene bon façon.

Maintenant à celui ki Allah (swt) donne zenfant, eski bane parents pé donne zot ene bon l'éducation dans la meilleure façon ? À ki point bane parents pé faire zot devoir ? Ki part zot ena dans la vie sa zenfant là pou ki li illumine so communauté et so pays de fierté par so action, intelligence et bon manière?

Sa bane parents ki pas comblé zot zenfant avec l'enseignement Quran Shariff zot pas pou réussi dans sa teste ki Allah (swt) faire là. Bane ki ena succès dans sa l'examen là, c'est bane ki orne zot zenfants avec bane bon manière et qualité ene '*Momine*'.

Allah (swt) dire dans Surah Taghaboun (Ch.64) : '***Innamaaa 'amwaalukum wa 'aw-laadukum fitnah: wallaahu 'indahuuu 'Ajrun 'aziim.***' C'est-à-dire, « Sans aukène doute, zot l'argent et zot zenfants li ene grand teste pou zot et c'est avec Allah même ou pou trouve pli grand récompense ». (64 : 16)

Abou Ayoub bin Moosa (ra) fine rapporté dans Tirmidhi ki Hazrat Muhammad (saw) fine dire : « Péna aukaine récompense pli bon et grand ki ene papa capave offert so zenfant ki kan li élève li bien (*enseigne li bane bon étiquettes morales*). »

Bane parents aussi, zot ena ene devoir fondamental pou amener envers zot zenfant kot bizin donne zot l'amour parent dans tous circonstances, donne li l'affection, et faire tout le mieux possible pou élever zenfant là bien. Ene parent bizin au courant aussi, ki kan ene zenfant prend naissance, alors d'après Islam bizin faire so '*Aqiqa*' lors 7^{ème}, 14^{ème} ou 21^{ème} jour et donne li ene bon nom, parski si ou donne ou zenfant ene mauvais nom ki ena ene mauvais signification li faire mauvais l'effet lors ene zenfant.

Quand ene zenfant arrive à ene l'âge (kot li capave très jeune même et assimile bane informations), alors li obligatoire pou donne li l'éducation Quran et *Deen* en premier, enseigne li bon manière morale islamique et bane enseignements de la religion et encourage li pour faire toujours bane bon actions et décourage et empêche li faire bane mauvais action ki condamné par Allah. Bizin donne intérêt et attention total à l'éducation de l'enfant parski ene zenfant li couma ene feuille papier blanc. Tout séki écrire lors là li reste gravé. Premier l'école ene z'enfant c'est lé bras so maman et alors so l'éducation commencé kot tout l'enseignement ki li gagné (ki li positif ou négatif) pour ena ene grand l'effet lors zenfant là so manière et so caractère. Donc, li

ene devoir pour bane mamans pour ki zot élève zotte zenfants d'après l'enseignement de l'Islam. Alors li très important.

Astère si maman là même péna aucaine l'enseignement de l'Islam dans li, la question se pose couma li pou capave enseigne so zenfant bane l'enseignement de l'Islam. C'est pour sa aussi ki nous bien-aimé prophète Hazrat Muhammad (saw) fine dire ki kan ene garçon ena pour marier, li choisir ene ti fille pour marier pour quatre choses et là dans Hazrat Muhammad (saw) dire donne préférence à la piété. Ki faire ? À cause sa future maman là li même li pour premier professeur de so bane zenfants.

Kan ene zenfant arrive l'âge de 7 ans, bizin montrer li le *Taharat* (c'est-à-dire, la purification – le *Wazou* et *Ghusal*) et bizin donne li l'habitude faire Namaz et si arrive l'âge 10 ans li paresse pour faire Namaz, alors li obligatoire ki bizin être dure avec li, même si bizin batte li pou faire Namaz, et bane parents bizin tellement sévère si li pas faire Namaz, kot Hazrat Muhammad (saw) fine arrivé mentionné ki comme correction bizin donne li so lili séparé et tous so bane zaffaire. Azordi jour, ou trouver grand-grand ki fine marié, ena fine fini vine grand-mère, grand-père, pas faire Namaz ditout. La honte sa ! Bé ki zenfant là pou apprane ? Et aussi ou bizin conné ki camarade zenfant là pé fréquenter. Fréquentation ene zenfant avec ene l'autre zenfant aussi très important.

C'est devoir ene parent aussi sa, ki li bizin partage so dibien avec chaque zenfant indistinctement. Parent là bizin conne proportion partage du bien garçon et ti fille d'après l'Islam, ene garçon hérite 2 fois l'héritage so parent et ene ti fille hérite ene part l'héritage so parent.

Ene ti l'exemple : Si ena pou partage Rs 45,000 entre deux zenfants : (1 garçon et 1 ti fille), alors d'après proportion ki mo fine fek cité, garçon là gagne Rs 30,000 et ti fille là gagne Rs 15,000.

Bane parents bizin comprend ki li ene zaffaire essentiel et indispensable ki bane parent bizin partage zot di bien are zot bane zenfants, kot tous bizin gagner sans faire partie prix. Si ene parent pas faire part l'héritage ki li ena, c'est ene très grand péché ki li commette et li ena pou rendre compte de sa méfait là péniblement devant Allah (swt) jour *Qayamat*.

Aussi quand zenfants fine arrive l'âge pou marié, li conseillé ki bizin faire zot marié dans *Deen-é-Islam* et dans ene bon famille ki dans *Deen*. Sinon dans bane cas, bizin évité marier ou zenfant dans ene l'autre religion, si arriver li pas pé gagne demande en mariage. Azordi jour ou trouver ki bane jeunes pé choisir zot paires, même si li pas de même religion ki zot et zot pé prier ene l'autre dieu ki Allah, et zot dans pop. Zot attiré par bane filles là zot soi-disant beauté, ou travail, et zot la vie dans pop, quand même sa bane filles ou garçons là pas musulmans. Sa pas veut dire narien pou zot. Alors sa qualité mariage là ene parent bizin pas accepter même parski avec so propre la main li pé mette so zenfant dans difé. Dans ene l'autre façon parler li pé enterre so zenfant vivant. Sa bane qualité mariage là péna aucaine bénédiction là-dans. À la longue ou trouve so mauvais résultat. Alors chaque parent bizin conné ki qualité responsabilité ki l'Islam

fine mette lors le dos bane parents. Juger ou même si ou pé faire ou devoir envers ou zenfant pou faire li vine ene bon musulman. Si la réponse négative, ou bizin bien réaliser ki ou pé faire injustice avec ou zenfant et ou pé coquin so droit.

D'ailleurs tous bane péchés ki zot pou commette en désobéissance à Allah et So Rassool (saw), so malédiction pou vine lors ou ene jour. Pluto pas tolère sa bane qualité zenfant ki pé montré tous désobéissance à Allah et So Rassool (saw). Alors bane parents, si zot oulé ki zot zenfant vine ene célébrité dans sa le monde là et *Aakhérat* alors zot bizin faire zot zenfant gagne l'enseignement Islamique primodiale et en même temps l'enseignement de coté *duniya* (le monde), pou ki lère zot zenfant pou vine ene bon docteur, ingénieur, avocat etc., li vine en même temps ene bon musulman aussi, *Insha-Allah*, et ki zot garde Islam vivant dans so vrai l'enseignement ki Allah et So Rassool (saw) fine enseigne nous. *Insha-Allah. Ameen.*